

## **Terms and Conditions**

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

### Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

### Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

lestes, si quæritur, quotus is dies sit futurus anni Gregoriani; siquidem dies fuerit secuta sedem bissexti, quære in tabula annum Incarnationis propositum, aut proximè antecedentem; & inuenies appositum numerum dierum, quos addes proposito numero Juliano; ita emerget numerus diei Gregorianus, mensis vel ejusdem, vel si quantitas mensis major evaserit, ea rejecta, mensis sequentis. Si verò dies anni oblata præcesserit sedem bissexti; habeto Januarium, & partem Februarii pro appendice anni præcedentis. Exemplis non est opus.

Vicissim, si sint computandi motus ad Tempora Gregoriana, tantundem illis detrahe, quantum Tabella priori casu jussit addere; adscito, si fuerit opus, numero dierum mensis antecedentis: ita tempus erit aptatum ad hunc calculum.

Consilium  
proscriben-  
dis Epheme-  
ridibus.

Sed scriptoribus Ephemeridum, nihil est opus subjicere consilium hoc, ut quot omnino dies erunt eximendi de Juliana forma, totidem dierum motus subtrahant ab Epochis, ut eas habeant ad Gregorianam formam in sæculo sibi proposito accommodatas. Ego etsi Ephemeridas scripsi stylo Gregoriano, & Epochas illas in chartis habeo: non censui tamen, varietate Epocharum vel ansam præbendam confusioni Calculatorum, vel librum etiam onerandum.

Diannis non  
expressis in  
Tabella.

Valet autem præceptum à Februario cujusque anni expressi, usque in Febrarium anni proximè sequentis in tabellâ. Verbi causâ, à 5. Octobris anni 1582 juberis addere 10. (puta in provinciis, in quibus emendatio statim recepta fuit) Id igitur fieri debet in omnibus diebus & mensibus, omnibusque annis sequentibus, etiam anno 1600, etiâ principio anni 1700, usque ad sedem Bissexti Juliani. Nam etiam ad 24. Februarii ejus anni, seu sextum calendâs Martias priores intercalarias adduntur dies 10, ut fiant 34: unde ablatas modus mensis Februarii dierum 28, relinquit 6; erit igitur 6 Martij Gregoriani. At cum jam à 24 Februarii anni 1700 inclusivè jubeatis addere dies non 10 sed 11, adde eos ad 24. Februarii ordinarium, seu VI. Calend. Martias posteriores, fient 35; ablatas 28, modo Februarii communi, restant 7; erit igitur 7. Martij Gregoriani.

Cautio de  
Februarii  
diebus.

Notabis igitur, in hac Tabella reductoriâ, more Romano imputari Februario bissextili dies tantum 28, sicut etiam in Cyclo hebdomadico, quem addidere Christiani, bis ponitur litera F. At si Tabellam accommodassem ad morem popularem, qui in Februario bissextili numerat usque ad dies 29: verba hæc [A 24. Februarii] locum non haberent, sed pro iis ponenda essent ista [A 1 Martij.]

#### DE TEMPO ANNI CONFUSIONIS; ET UNA, ANNI ROMANORUM veteris Popiliani.

PRIMUM QUAM abeam à formâ temporum nostrate, non nihil etiam de eâ dicendum est formâ, quæ illam proximè antecessit: quæ quidem à formâ anni Græcicâ antiquissimâ est deducta. Sed cum non extent in historiis Romanis documenta sufficientia, ex quibus omnis hujus anni ratio elici, & cum hodierno Juliano

comparari connectique possit; tanto etiam brevior ero. Cum enim Romani Periodum haberint 24 annorum, in qua pro eo, quod Græci vetustissimi duodecies intercalare sunt soliti, ipsi intercalarunt tantum undecies, semel omisso mense intercalario: hæc igitur ommissio rationes omnes perturbat. Nullum enim extat vestigium Confusionum certorum, quibus Confusio fuerit ommissa intercalarius. Itaque primum atque supra Confusionis annum per duos annos altius in historia Romana enititur, in incerto nos versari necesse est de 23. diebus: etiam si concedat aliquis. Regulas Periodi 24 annorum strictè fuisse observatas, nullamque libertatem, diei unius atque alterius extra ordinem, sibi usurpasse Pontifices.

Quicquid igitur de annis, qui Confusionis annum antecederant, præcipi hoc loco potest, totum anceps & lubricum est: & si multa largiamur; tamen annis quinque & viginti qui Confusionis annum proximè antecedunt, ad duas redigimur conditiones: ut aut nusquam dicamus ommissam intercalationem, usque ad annum propositum, aut alicubi ommissam.

Hæc cum sic habeant, verbis solennibus præceptum concipere supervacuum erit. Exemplo unico eoque nobili contenti erimus, quod sit loco præcepti.

PRÆCEPTUM 65.

Cicerone & Lentulo Conf. quod fuit anno ante Inc. æram currente 63. I X. Cal. Octobris natus perhibetur C. Octavius, postea Augustus dictus. September. ut vides in Typo anni Confusionis, habuit dies 29. Ergo nonus à Cal. Oct. attingit 22. Septemb. Queritur quo die anni hodierni Juliani retrò extensi, id acciderit: scilicet ut puero auro, quem Jupiter, Cicerone Conf. somnante, catenâ aurea de cælo demisit, gens se pangere possit astronomus. Ad Typum anni confusionis, qui erat ante Inc. 46. tunc; cum in eo September Popilianus incipiat à primo Julij Tabularum istarum, additis 21. fiet ut 22. Sept. Popilianus incidat in 22 Julij nostrum. Annum verò 46 inter 63. tium intersunt anni 17. Si intercessissent plane 24. quanta erat Periodus Romana; probabile fuisset, menses Popilianos eo situ fuisse in Mensibus Julianis intra propinquitatem unius diei, quo fuerunt, anno confusionis. At quia nescimus, an aliquo anno intermedio, qui debuerunt esse 48. 50. 52. 54. 56. 58. 60. 62, fuerit ommissus mensis intercalarius; dua igitur nobis offeruntur conditiones, prima, ut fuerit ommissus, posterior, ut non fuerit. Si non ommissus, igitur à 22 Sept. anni 46, ad 22. Sept. anni 62, decurrerunt anni 16 Romani veteres, qui fuerunt Juliani 16. & dies totidem excedentes. Qui ergo anno 46 habitus fuit pro 22 Sept. Popiliano, fuerit 6. Julij Juliani. Hinc ascendamus retrò in annum 63 per modulum anni Popiliani. Et quia ascensus sit per Febrarium, qui anno 62 geminabatur ex analogiâ anni 46. & conditione posita, in erro scilicet in Febrarium Merkedonio dierum vel 22 vel 23: fuit igitur quantitas anni Popiliani dierum 377. vel 378: à 6 Julij verò extensi dies 377 in anno simplici Juliano retrorsum, pertingunt ad 24 vel 23 Junij: Una igitur conditionum offert nobis 23. vel 24 Junij. Si verò alicubi per hos annos 17 ommissa fuit intercalatio 23 dierum, quæ altera fuit expositarum conditionum; à posito termino devolvimur ad 16 vel 17. Julij: si modo nihil inter eâ turbaverint extra ordinem.